

靖安縣志



續修靖安縣志序



邑之有志所以徵文獻考政事訪民風也靖安縣志始修於道光五年續修於道光二十七年綱舉目張燦然大備越十餘年迭遭粵匪之亂板燬無存同治八年余權憲斯邑下車伊始即訪求邑志幾不可得亟思召以重

續纂靖安縣志

輯之明年春適奉

大府檄重修江省通志頒發章程令各州縣續行採訪先繕稿存呈備采錄余喜私暇之克遂也爰集紳耆擇期開局於城南雙溪書院並各都遴派紳董廣為搜輯於是取舊志之缺者正之缺者補之厥後二十餘年其

人物之挺生事蹟之興革豈兵燹之  
後草野忠貞閩閩節烈以及梅團勦  
賊始末一一考核精詳豈照省幸悉為  
增入越數月而稿成余以學殖未深早  
歲屢躓於場屋迨一行作吏荒陋僻  
慙深懼有負委任今不閱月乃與在事  
諸君子獲覩厥成以副

大府之命且俾後之官斯土者覽其  
書得以考政事之得失知風俗之異宜  
而一邑之文獻於焉足徵豈獨余之  
深幸也哉斯役也既賴諸君子分曹襄  
贊實力蒐羅而挈領提綱斟酌損益  
寔虞部舒君若人之力為尤著虞  
部為本邑自菴觀蔡哲嗣與余為

年世交深稔其家學淵源適似歸里  
門遂延入局總司其事悉心纂校  
以繼日不徇人言卒臻善本溯戊申  
續志成於觀察而述志又成於虞部  
之手後先濟美彪固同稱洵曠事也  
書成爲綴數語於簡端以誌其顛末  
如步至於山川風土物產人文前序悉

言之不復贅云時

同治九年歲在庚午仲秋月

署靖安縣知縣武林徐家瀛撰



舊序

宏治志序

明訓導王晟

靖安在禹貢爲揚州之域春秋屬吳楚之間漢唐置鎮爲保障南唐始改爲縣宋屬隆興府元屬龍興路上應斗宿之度其建置沿革山川風土人材物產之類無不悉焉宏治庚戌監察御史姑蘇唐公命晟重加修輯遂與學生搜索舊聞旁詢故老於舊志訛者正之缺者補之凡邑中疆域城郭山水風物之詳解宇貢賦戶口寺觀祠廟臺榭之概名賢達士孝子節婦之始終以至仙翁釋子之可紀騷人墨客辭章之可取者罔不具載釐爲四卷唐公適他故呈於郡守東魯閻侯

靖安縣志

卷之首

舊序

侯喜曰此正吾所究心者也然書欲傳久不可忽再命晟芟正而屬以序維邑之有志猶國之有史也史載天下之事其體當簡而嚴志記一邑之事其體當詳以盡然而史之所書多本於志之所錄則其所繫亦重矣是修輯者誠可忽耶抑宣宗唐之英主也命詞臣纂次諸州境土風物爲處分語故能成大中之治蕭何漢之賢相也收秦圖籍且知天下阨塞戶口多寡之處故能成佐命之功彼爲天子與相天下者且然况郡邑守令乎則其於統內山川之險易風俗之淳漓貢賦戶口之登耗人物之盛衰奚可不究而知之以爲出治之資也施諸政不出戶庭而得之誠於志有所賴而賢侯之喜

豈徒然哉謹書此以爲國史之禱焉

嘉靖志序

明知縣趙公輔

方域之內星野之墟率皆有以志之而後足以備觀省故在一郡有郡乘在一縣有縣乘卽文獻之大端不容更僕而終者一披閱之畫章明著也然每病於弗傳非志之失所以志之者未盡也聞之體欲其贍以備詞欲其約以盡記載欲其精以覈雖非國史之傳而載筆者之所貴均之爲不可易焉但煩猥者近贍疎淡者近約過刻者近精似是之跡世相沿襲吾鯨取焉予自壬戌秋承乏靖邑始至欲索一觀邑博陳君吳若以邑志未舉告卽思爲一新之越明年春季少暇與

靖安縣志

卷之首

舊序

一

陳吳二邑博及紳士應銳龔邦劉俊陳定宗舒卷舒光遠熊時中徐肯堂等建局編造兩閱月而成集予曰備矣卽流峙生植質化變遷習俗移易之類應舉一以例其餘繼以二君之覈實彙括兼舉例引互見巨細條縷之故隨在以致其精予曰此可以言志矣雖未必傳示久遠然邑之情事則然也其文獻則然也以備一方之見聞亦可謂云爾已聞靖志創自正統間以天順年重修又以正德年重修雖經瑪瑙之變簡編焚燬無遺今撥拾煨燼或亦贍所未贍約所未約不然亦仍之而已不以多文自炫也爰命鏤刻置諸學官紀綱邑治總括地宜採風者於此達觀焉或可裨其萬一矣夫古今

風氣文物類有欲闡之時其湮也若或遂之其弊也若或啟之河馬洛龜志兩儀也三墳五典八索九邱志歷代也事與時會文與事宜靖邑之志距今始成或亦數之適然其亦未雕未鑿之時容有洩造化之秘宣帝王之猷者在爲之相符以有成焉耳予也菲劣且素佩闕文之訓有日矣顧縣乘之弗備或亦治體之有缺庸不自外以俟後之同志者

嘉靖志序

明訓導 吳 鎰

邑侯趙公黃村奉行府檄修輯縣志建局移牒命鎰任事夫志者志五十年之事蹟也世道之升降所關辭弗獲已因集諸紳士應銳龔邦劉俊陳定宗舒卷舒光遠熊時中徐肯堂

靖安縣志

卷之首

舊序

三

輩入局檢閱舊乘搜尋典故博採時事謹書備錄罔敢遺謬山川草木仙釋寺觀壇祠因其舊而已若建置則首修城暨及黃宮官司則次歷任顯著者登於名宦科貢則記出身賢俊者表諸鄉賢忠臣孝子義夫節婦皆有所取以勵風教義民不沒其輸粟之誠耆民與其向善之美補輯考訂類聚成編分爲六卷之綱之紀有條不紊凡此不過使邑之後進得以循名而責實原始而考終也敢曰定褒貶示勸懲乎哉孟冬志成獻侯侯又刪其繁亂提綱挈領斟酌損益以成鎰之所不及者多也既而鳩工鋟梓屬鎰叙於後鎰曰極知僭踰無所逃罪况敢附於我公之末也耶二三子固請曰趙侯惠

我民庶惇尚教化其茲文獻善政之大既任其事曷容以無  
言哉是以自忘猥陋續諸公之末以紀其畧深懼責有弗勝  
再俟後之君子

康熙癸酉志序

國朝知縣 高克藩

班史有八志有列傳後之郡縣志皆其遺意也但當時與國  
史合而爲一後世判爲二書大抵史之紀事提挈要領而志  
則搜羅纖畷不嫌其詳史之紀人褒誅謹嚴而志則表彰美  
善無取乎貶蓋其體制不同如此然而亥豕魯魚傳聞不一  
詳者必訂其訛賢否疑似情勢易淆襲者必去其濫是則不  
同中其旨又未嘗不合也靖安縣志創自正統重修於宏治

靖安縣志

卷之首

舊序

四

庚戌至嘉靖乙丑邑令趙公黃村輯而新之至於今一百二  
十餘年矣滄桑變更耆舊凋謝遺文湮於榛莽故事沒於樵  
漁及今不修後此有訪求文獻輯續簡編致嘆於杞宋之無  
徵者非司牧之羞而誰羞歟况志非細故也分野災祥天文  
備焉山川疆域地理悉焉創制立法裁成輔相人事昭焉而  
且官制賦役祭祀營建禮樂兵革無一不具則於志而可見  
六官之制度焉忠貞慈孝節烈友義耆舊德行無一不載則  
於志而可見五品之行誼焉其餘鳥獸草木米鹽茶蔬雖小  
不遺賦頌詩歌箴銘傳贊有美必錄則於志而更可以博物  
多識焉在上者而不通乎志之義則國無善政在下者而不



通乎志之理則野無善俗若徒委爲藝文末務漫不加意其  
何能免於操刀學製之譏耶余爲此懼自泣靖以來久與鄉  
士大夫商畧舉行壬申之冬大中丞馬公節鉞江右諮詢利  
弊俯允末議方伯盧公刺史張公大書條教檄行修舉於是  
遍申採訪徵集紳士設局分曹蒐羅討論彙輯則屬之孝廉  
舒君其瑄明經舒君銑分類編次則屬之孝廉涂君玠明經  
舒君調良舒君大儒校正則屬之諸生錢兆雍徐益陳以珥  
趙璧漆全孝涂榷學博李君日彰總其功邑尉沈君銑勸其  
事越一月而稿成余乃悉心靜氣翻閱通志府志舊志諸史  
以及報呈文卷文集行狀下及詩傳雜文方謠土語無不披

靖安縣志

卷之首

舊序

五

覽諦觀然後取志稿而手加訂定焉繁者刪之缺者補之信  
者存之疑者闕之俚者易之以雅駁者易之以純條目之下  
凡有關於政治者間附已意發明之其詩賦傳記雜著不另  
列藝文卽附本條之下以便觀覽其續載孝子節婦善人義  
士非聞見之確不敢入以防冒濫下至大書小書比事屬詞  
之類無不斟酌詳細大約紀事期於詳而不訛紀人期於真  
而不濫讀輿地可以知風土之剛柔美惡則移風易俗之政  
具焉矣讀建置可以知制度之因革損益則興廢舉墜之政  
具焉矣讀賦役可以輕徭薄斂讀職官可以式廉戒貪讀人  
物可以旌淑別慝讀雜志可以博物洽聞上以此出治則上

有善政下以此相勸則下有善俗以此代教老之傳說則一時典章之寄也以此備太史之採摭則百年文獻之徵也後有作者溯遺事覓遺文其不以曠職罪余則余幸矣若夫才乏子長學遜孟堅質言有餘文采不足則余固以盡吏茲土者之職而已中也野也所不計也

癸酉志序

國朝教諭李日彰

從來不朽之業必待其人而後舉况事關文獻之大非傳人庸有傳書哉靖安隸南昌之西創自南唐繇來舊矣其地高其山峻水清而駛剛淑之氣代鍾偉人間稽府牒蔚然可觀也無何嘉靖以後百餘年而邑乘缺然康熙十二年

靖安縣志

卷之首

六

上允閣臣請修直省通志矣二十二年復蒙

上諭纂修矣而靖安概莫之及豈奉行之不力歟抑有待其人也邑侯高公敬齋以剡溪名賢來宰茲邑百爲具舉前所未及無不及焉而每與余言尤切念文獻不足禮無可徵將崇先起後文教曷由興乎爰請于大中丞馬公慨然有纂修之舉大中丞方以禮義詩書磨礪我西江閱所請而大快焉侯乃延邑中縉紳文學餼諸館署詳稽往志博採遺言僞者正之缺者補之各抒所長彙卷有八甫月而全草告成彰得藉窺餘緒噫異矣誠待其人而舉矣草呈侯乃鑰署增刪式以紫陽潤以班馬于山川而點綴生色于建置而考核維詳

賦役垂歷代之全書官師爲累朝之金鑑地方人才無有美而弗彰無有微而不聞累世幽芳婦女亦叨一字之榮草野普蒙拾遺之慶徽音賴以垂休奸頑咸知鑑戒是雖一邑乘哉千秋瑤函舉積此矣自非高侯之才之德與諸賢之洞達典故能如是乎後之採風者展卷若指掌牧靖者披籍如列眉邑之人士景芳型而仰高山頌廉懦立是卽文教之興觀感無艾也誠非其人莫舉也百餘年而有待也若夫誇鬪艷麗彝教罔裨則是享敝帚而寶康瓠豈徒非高侯之志抑亦諸賢之羞敢以是爲序

癸酉志序

舒其瑄

靖安縣志

卷之首

舊序

七

己巳之秋東浙高侯以名進士筮仕敝邑五載而政大成獨孜孜延訪者惟邑乘久缺是懼瑄每晉謁必相告語瑄愧疎淺無能贊成但思騏驎負鹽車而上太行力不克勝遇伯樂知之乃勉自負荷今以侯之才之德續吾靖百餘年殘缺之典稍有一得敢不拈助高深癸酉夏月侯開館授事瑄因與諸賢編輯閱月而草呈侯乃按草刪繁剔謬正其表章遠覽旁搜補其遺缺煌煌鉅帙一代之謨猷也山川之險易物產之豐約貢賦之多寡戶口之登耗人材之顯微風俗之美惡可以一覽而得之因是知志者史之遺書也古昔盛時職方掌天下之圖辨其土宇司民掌天下之版登其民物藏之天

府以施政焉審萬國之情察四方之隱踈逃不閉幽胥不遺  
不下堂階瞭然在目也迨其後王制息矣而郡有乘邑有志  
亦此物此志也吾靖雖屬豫章之西地處偏隅然揆之天文  
必有所分也按之地理必有所辨也考之制作必有所自也  
治理賴之官師表著藉乎人文民情有盛衰之殊時事有治  
亂之別雖曰一邑哉而皆爲王朝之版圖矣使欲觀天地之  
生成山川之莫麗詢之故老有遺詞焉欲觀創建之得失守  
令之是非詢之間里有遁情焉欲觀人物之變遷賢材之優  
異氣數之安危執之途人有異議焉人亦何自觀感乎故志  
者誠鑿古而推之今考實而見之治者也侯本是意而成靖

# 靖安縣志

卷之首

舊序

八

志焉以司馬之才而行紫陽之筆文贍而義該類悉而法嚴  
事無不備美無不彰一邑之土地人民政事舉盡於斯矣後  
之官斯土者流連興起風化其自此遠乎是爲序

乾隆辛未志序

署知縣 朱 堂

歲己巳秋余奉

簡命試用江右借補豫章郡屬之西昌郡治省會邑爲附郭  
其同屬郡處西北之偏者爲靖安距郡百餘里而近余頗聞  
其風土人物之大概是年節制兩江黃大司馬檄下郡縣舉  
修志乘新邑奉檄纂修余忝與其事徵文考獻購求之使四  
出自西江通志外凡稗官野史家稿藏書殘篇斷簡採取大

備余得縱觀焉按通志靖分紀於章郡內者城池建置山川水利人物古蹟歷歷具在然考証文集如靖之雙峯猥稿及舒伯原摠閱錄則與通志不無異同脫畧之殊蓋通志一省之書不及紀一郡一邑者之詳無恠其然也而郡志久缺未修仍不免畧每思得靖新志而周覽之夏五蒙上憲委署靖彖入境見山秀環屏水清縈帶田疇錯繡桑柘交陰昔賢所謂清華間者履之益信既下車亟索觀邑乘以纂輯尙未脫稿先取舊志閱之則爲康熙癸酉高公克藩所修余往復披尋竊不能無微憾也夫通志畧邑志詳固已胡爲邑志亦畧也且邑志間有不及通志之詳又何也姑舉人物如黃雲之

# 靖安縣志

## 卷之首

舊序

九

義勇摠閱錄所推美者通志於靖未載邑志亦遺焉水利如洋濠諸大堰其並遺未載者亦然又如元監縣潮海鄉進士胡斗元等傳詳見通志邑志缺如唐宋元明以來藝文亦通志詳而邑志不備嗟夫討求不廣聞見弗周註漏疎舛疑信無憑甚矣志乘之宜修而載筆之未易也越數日邑紳士來謁呈志稿就商未啟視先詢其搜羅者何若考據者何若自康熙癸酉以前畧者誤者若何補正癸酉以後凡繼起之盛應不勝紀其間沿革損益因時制宜所當增當省者又何若也咸欣然應曰遺漏舛錯庶可免愆惟義有未當文不雅馴恃在裁酌而潤色之夫義非余所敢知文非余所能擅祇贊

襄盛事竭千慮一得冀隨諸君子後而立觀厥成焉可也於是公餘展卷夜靜篝燈殫心讐校愈悉夫山川之奇秀風俗之淳茂人物之瓌偉土產之殷饒猗歟休哉自非沐

聖朝休養生息涵濡漸摩葢爾偏隅安能如此其盛哉是役也經始者爲前任映清馮公繼之者晴江孔公纂輯者爲前南海令邑孝廉涂君基邑明經舒君亮友舒君照熊君鈺並能矢公矢慎不負鉅典惜涂公中道棄捐馮公孔公復相繼去職而余以代庖茲邑躬承大業邑紳士謬相引重間叅愚臆輒見許可余雖五日京兆而幸獲成斯舉得廁名編末亦與有榮焉且余反覆於是書而信其詳核可傳不致疑於輿

# 靖安縣志

## 卷之首

舊序

率畧者同譏既與邑紳士信之更可與後人共信余懷尤於是大慰也爲序其顛末如此

辛未志序

舒亮友

古今遞殊者世疆隅分界者地將舉其地論其世以信今傳後則志尚矣雖地有大小而志無岐視卽偏隅下邑並徵紀載之文非兼長盡善難語不刊之典未是尋常著書立說逞一人之聰明才智云爾也今靖志之成則一時際會又不期而眾長畢備焉先是己巳歲奉兩江制府黃檄修縣乘時前任馮宰召邑士議諮於眾曰重新纂輯乎抑取舊志而續補之也僉曰續補之不若其重新之靖志宋元無考聞始於明

正統僅存者明中葉趙公一志猶權輿耳

國朝高侯纂修稍集其成距今將踰甲矣幸生

盛世休養生息久道化成遐陬僻壤漸摩涵濡五十餘年之間風氣有轉移民物加豐阜政治所損益天時人事相嬗迭新詎可任其散佚而無稽况憲諭諄詳尤當無負風厲之雅意揚休載筆正此其會在邑士無能爲役恃擅制作之賢宰足以剝垂縱不踵事增華何爲因陋就簡其重修便馮侯頷之遂聽邑士之所爲而責成焉衆退競謀集厥事同志者各捐金爲倡以襄鉅典度資費擇公所羣議既協開局編摩猶慙孤陋俵俵何之遂相率問業於二尹司徒博物洽聞而得

靖安縣志

卷之首

舊序

十一

所取裁友乃與涂柏莊基熊治成鉅家鑑士照竊附纂輯之末因論乎志之難也夫事欲其詳文欲其省則體要難嚴近於刻寬虛其濫則取舍難見聞異辭是非淆雜則援摭難志果易言歟抑有其易焉者畧其不必詳而不文其不可文循自然者易合善善雖長不流於濫惡惡則短何譏乎刻用情平者易公從同考異從是辨非憑顯據者易核要而論之又視乎敬慎之一心慎則難不爲眩易不至玩筆削有以折其衷雖筆削之權非下士所敢贊一辭而敬慎之意固纂輯者所當共盟也衆皆以爲然於是搜討簡篇網羅放失驗之傳聞詢於故老有補舊之所遺正舊之訛者若山川若水利若

人物若古蹟之類是也有增舊之所無更舊之式者若學宮  
若丁糧若列表若藝文之類是也或沿而襲或參而訂凡所  
採摭總期有裨於舊無誤於今屏私見戒鹵莽毋躁毋怠以  
云慎也孜孜排纂自己巳仲冬迄庚午暮春蓋五閱月而稿  
粗備呈之馮侯靜俟裁定逾時者再未聞命也則進以請馮  
侯曰徐之簿書暇務細意校閱將欲信今而傳後可急遽以  
迫期耶仍請以俟亡何在事之涂柏莊捐館舍越今年春馮  
侯以調移倥偬稿仍發讐勘尋謝事乃呈稿是正於接任孔  
侯裁定方愬復因公去任時事遷延成書有待欣逢朱侯以  
同郡父母五月來視靖事甫下車亟將稿送閱侯訝數載書  
未觀成何滯也爰告以故侯乃詳凡例按綱目事必核實紀  
惟足據矜慎別裁稟經酌雅匝月稿悉釐定紀載周而地具  
舉徵考信而世可論向恐散佚難稽者庶幾獲完書以昭示  
來茲矣嗚呼靖雖蕞爾志之成也有馮侯經始而草創有司  
徒二尹暨孔侯討論而修飾又得朱侯潤色以終事兼長盡  
善洵足稱焉非文明之運下邑之休乎友不揣固陋謹拜手  
附識於末簡

乾隆癸未續增志序

知縣李紀

靖安開國奉武分封星流斗北之輝地控場南之舊百餘年  
綺分繡錯排粉堞於雲中廿八都屋比屢聯界花村於隴畔

靖安縣志

卷之首

舊序

十二



山則三台九洞半緣靈鷲飛來水則七井雙溪盡是仙源瀉  
出過葛翁之里丹鼎烟濃訪謀母之廬藤牀月冷發鐘聲於  
上界未扣桐魚吹墨浪於寒潭欲穿石硯釣罷而一亭宛在  
春深而千樹嫣然顧茲鍾靈毓秀之區難忘考獻徵文之意  
廼者藜然祿閣劉校書與王孟齊名璜韞磻溪呂半刺共巢  
由結隱次房抗疏已從贖貨之誅敦實知軍旋損折苗之值  
舒平叔風雲腕底見重晦翁幸元龍水雪胸中用旌武穆懷  
工部於崇文門外起太守於闔閭城邊宗頤則譽美題棕槐  
堂則徽流秉鐸固事功之足錄實學術之可觀他若寒鑱行  
藥突逢蔡誕之芝冷釜遊魚肯貸監河之粟卽貞完白壁何

# 靖安縣志

## 卷之首

舊序

十三

礙焚樓影化青燐尙憐墜井惟百世之清華不沒斯兩間之  
正氣常存所當撫一卷而神畱仰雙峯而色動者也今日者  
擁銅章於赤縣不來傳舍之譏勞鉛槧於青編盡入稗官之  
採炳炳者揚風挖雅璀璨猶新麟麟者酌古準今棗梨未敝  
固已無疑夏五再訂妃豨者矣惟念宮牆萬仞僅存殿是靈  
光石磴千盤幾歎道成蜀棧加以崩城之患重貽守土之憂  
幸也士尙崇文民猶近古爰費金工石工之舉聿勤左校右  
校之司再嗣神功既助余以不逮永貽傑構自有善之必彰  
矧志乘端重乎激揚而紀載甯遺夫建置西山課治貴有成  
書相國入關先收舊籍當此蘭宮窅窳懸鐘鼓而棟起玫瑰

月殿崔峩陳俎豆而筵開玳瑁霞飛鶴嶺皺成雙闕之紅液  
灑桃源歎作三泉之碧宛轉則銅街五劇卽是天梯袞延則  
繡陌千條無非雲路壯門戶者百雉環煙火者萬家凡茲章  
故而鼎新未敢因陋而就簡時則豐碑兀特愧無楊炯之文  
石鼓摩挲絕少蔡邕之篆登之末簡寧致諒於韓非彙入全  
編詎貽譏於屈子行見經文縞武各儲廊廟之材分道揚鑣  
用備干城之選是所望於後之觀志而繼志庶不負乎今之  
在靖而言靖矣

道光乙酉志序

知縣張國鈞

余昔初至豫章偶讀曾南豐游雙溪詩道縣境在清華間巖

# 靖安縣志

## 卷之首

舊序

十四

谷幽秀民無訴訟之囂意重有羨於吏此土者故一再稱之  
不已余因是欣想其境嘉慶丙子果承之斯邑下車後歷覽  
山川風土信羨可樂接見都人士彬彬然質有其文余一意  
以優靜爲治與民休息竊幸安余之拙也蓋十稔於茲矣自  
維謏劣於邑中興舉廢墜未獲以次行每念舊志逾甲子缺  
修尤滋心慙道光癸未之春 大府檄下各屬編輯志書用  
備通志采錄時則縣治文峯埕圮方集廿八都紳士籌費重  
新迺更進而告曰徵文考獻端在今日乎僉率懽忻鼓舞志  
事遂並舉焉開局以是年冬月閱一寒暑而成書先是邑之  
孝廉明經暨諸文學推前新安令君舒萸房先生總其任初

稿未竟會新安若奉諱輟業哲嗣屋庵太史適假歸聖門復  
延人局踵前定門類悉心纂校間詣余商訂去從遇事虛公  
詳慎不告小疲卒成善本授梓按靖安志創自前明正統中  
嘉靖以前凡經三輯皆失傳

國朝康熙癸酉剡溪高侯慨然修復實爲邑乘權輿逮乾隆  
辛未舉而拓之歷三任告成體例規模悉稱明備今之視昔  
未知於古人何如然我觀諸君子用心則已勤矣夫自南陽  
撰風俗之書廬江有名德先賢之贊尚已今以邑人志邑事  
聞見不慮其不確而義例宜精以後人續前書譌誤易至於  
相沿則考證貴核且夫事不師古漫自毀棄先型者妄也識

# 靖安縣志

## 卷之首

舊序

十五

拘於墟第知墨守成迹者亦陋也陋與妄均之無當乎修也  
世會日積而日新學術愈求而愈密今茲之志其於二者之  
弊庶幾勉乎余既歎是邦人文繼起且慰十年來有志未逮  
之業一旦藉手以告成功又得資予政教之所不及豈非拙  
者之厚幸也哉太史之言曰某承庭誥從賢侯鄉先生後紀  
事載筆聊備遺忘可也以邑人志邑事如是焉已耳於史裁  
奚有余曰是志體也言外之微指間寓於篇覽者宜有以得  
之

## 道光乙酉志序

舒懋官

道光乙酉夏季靖安縣志刻竣邑侯張紫村先生既爲叙于

前矣懋官杜門讀禮言不敢文而在事諸君謂官實首任編纂宜有一言垂告後來辭不獲則請叙述志事始終以見偏隅下邑成此書亦殊匪易而時閱三年邑當事且經三任若與前志相類者爲可異也先是辛巳之冬江右十三郡薦紳合詞上臺省請修通志官與名其末大憲嘉允所請卽頒式馳檄各郡縣照修志底備采我北平張侯奉令惟謹時方議修縣塔念兩事竝舉瘠邑艱費設法分都勸捐經歲始有端緒癸未秋季乃開局于雙溪書院分曹各治其事侯以官會令新安修彼邑志當習熟舊章卑任總纂之後媿謝未能也官維自來邑乘推康武功韓朝邑兩志爲絕作其書一則七

# 靖安縣志

卷之首

舊序

十六

篇一才二十餘葉耳體例之謹嚴如此志可易言乎哉然竊聞諸家長老曰志固通於史而修志視修史爲難以邑人而修邑志則尤難非難于筆蓋難于削也惟持以敬慎不敗之心求無大悖乎公是公非之正在邑言邑毋徇同亦毋好異斯已耳若夫著述之事義理與考證二者均不可廢今古人才心精一脈遞嬗無窮自有光景疊新遙遙相待之故此吾所以斟酌損益而因而兼創者蓋其難其慎也吾邑文獻缺紀載者七十餘年中間一修府志頗復有所增益而采訪未詳所存乾隆一志版亦漫漶矣綜其大概固已較前稱備第繁簡去取之間不能不有待後來之訂正入局以來與同事

編摩纂輯兀兀寒宵虛衷商榷凡三月初藁垂成不幸官猝  
遭大戚諸君亦多以事故散去遂輟業焉明年春復啟局爰  
命次子恭受往服厥勞搜求校勘亦間有新得遇事每取決  
于侯官於聖廬之中時爲之刪定蓋又六閱月而成書則侯  
已先期入

覲矣署任龍眠張大尹覆加鑒政以爲是非尚不謬于大雅  
且于新頒格式門類省併得宜皮藁于署將待申送今春三  
月前侯歸自京師趣之授梓甫開雕又以督河餉北行今南  
昌二尹岳陽張公來攝篆校閱一過督催工作用能剗剗告  
藏前後三遇賢侯且同系一宗抑何異耶夫以偏隅下邑一

# 靖安縣志

## 卷之首

舊序

十七

志之成歷歲月如是之久宜其精詳嚴謹矣而蕪襍註漏之  
譏顧有所不免自維學植不深中歲復荒于吏事投老歸田  
精力日減勉庸斯任祇增媿業惟數年來與諸君子冰兢矢  
慎我見胥忘尙爲梓鄉所共諒耳後視今猶今視昔安知不  
有英領絕特之士博學多識足以舉正斯志者則固侯之所  
甚望而亦予之幸也夫

## 道光戊申續志序

知縣 祁啟夢

余家姑蘇讀府志具載前明太守况伯律先生政績未嘗不  
慨然想之夫人傑由於地靈况公靖安人也意其山川風俗  
必有異焉者欲一至其地而不可得余自己亥歲需次江右

旋奉先人諱回里觀察舒自庵先生方守蘇延余在署授公  
子課觀察亦靖安人也政治興况公後先輝映每於郡齋述  
及靖之風土甚悉比余仍來江右丁未春量移斯邑甫入境  
山秀水清軒朗在目下車後接見都人士雍雍乎猶敦古處  
風亟徵邑志披而覽之蓋修於道光五年者本甚善惜板已  
殘缺矣時自庵觀察以讀禮在籍余請主講雙溪書院遇事  
輒就正焉因謂前志之板宜補二十餘年來近事亦宜續修  
觀察曰然以天旱方興平糶故俟稍暇無何集紳士議之適  
大府檄至將重輯江西通志令州縣各繕其志以備採擇於  
是設局在城先節孝善行名宦隱逸與夫文廟城垣考舍之

## 靖安縣志

### 卷之首

舊序

十八

工程倉貯農田之要務靡不採輯藝文志中增入况公奏疏  
雜著卽觀察守蘇時錄得者是舉也觀察總其成諸紳士襄  
其事復有名宿相與探討一遵省垣頒到條規越數月而稿  
遂具觀察以服闋將入都也屬定於余卽付梓謹以呈諸  
大府余欽况公久觀察又能繼美前賢茲於邑之志添新補  
舊都爲一書覽其風土人情卽可攷政事之得失何其幸也  
敢不勉竭魯鈍以副賢士大夫之望也乎是爲序

### 道光戊申續志序

舒化民

昔陸清獻公出宰靈壽重修邑志其凡例開章曰靈壽土瘠  
民貧居官者知此然後不敢以紛更聚斂爲事土著者知此

然後不敢以侈靡爭競爲能綱領所在隨處提醒筆削詳畧  
具有法度故其志事美善直可作史傳讀吾靖安僻處萬山  
中間閭困苦未知較靈壽何如亦可謂土瘠民貧矣志乘累  
次編輯至道光五年重加纂修時予官山左郵寄得觀嘆爲  
美善二十七年夏 大府有通志之議檄徵邑志適 祁侯  
涵香明府來蒞靖明府予守蘇時賓席也爲道義交丙午予  
奉諱里居明府又延予爲雙溪主講迭爲賓主相得益懽樽  
酒論文屢謂志書修未久而版多縻爛亟當補鐫並欲以二  
十餘年近事附益之予思與修前志者舊尚有存者而後起  
英賢亦復彬彬博雅質有其文遂與集議商確先定規模而

## 靖安縣志

### 卷之首

舊序

十九

又有鄰邑孝廉徐靜園先生七十猶健惠然肯來相與討論  
編摩俱能匡予未逮蓋數閱月而稿成矣惟予服闋又將馳  
驅

王路未暇悉心重校尚賴 涵香明府爲之主持裁定庶上  
以應 大府之求而下爲一邑之光真爲幸事從此守清獻  
公之言將後之官於斯生於斯者皆念土瘠民貧隨地隨時  
以培風而善俗則斯役也豈惟附益前修而所以裨益吾桑  
梓者實遠矣爰倚裝書於卷末

續纂靖安縣志纂修姓氏

主修

署理靖安縣知縣徐家瀛 浙江仁和人

協修

靖安縣縣丞高節 廣東南海人

靖安縣儒學教諭姚起蔚 新喻人

靖安縣儒學訓導聶秉誠 清江人

督修

靖安縣典史陳萃賢 浙江蕭山人

纂修

纂修姓氏

續纂靖安縣志 卷之首

舉人工部候補主事都水司行走舒孔恂

舉人 景山官學教習舒懋願

歿署弋陽縣教諭項書訓

與修

舉人胡而洋

舉人蔡文炳

候選教諭李成蹊

候選教諭舒名芳

候選州判王立綱

候選訓導舒寬詔



歲 貢

生丁松

歲 貢

生蕭瀛

採訪

職 貢

生漆蘭生

恩 貢

生涂鎔

歲 貢

生舒一薰

廩 生舒穎銳

廩 生舒實尙

廩 生錢承德

廩 生閔如玉

續纂靖安縣志

卷之首

纂修姓氏

廩 生雷汝霖

廩 生頂中達

廩 生鄭雲錦

廩 生程萬里

增 生熊承萃

附 生周鼎新

附 生舒春華

附 生黃懋芬

世 生曾炳蔚

職 文

校對

童

生

王澄瀾

童

生

舒恭瀾

童

生

王治芳

童

生

舒恭濤

續纂靖安縣志

卷之首

纂修姓氏

三

靖安縣志目錄

卷首

序

舊序

纂修姓氏

凡例

圖說

卷一

地理志

星野

疆域

沿革

山川

形勢附

水利

靖安縣志

卷之首

目錄

一

津梁

古蹟

風俗

物產

卷二

建置志

城池

壇廟

公廨

試院附

寺觀

坊表育嬰堂養濟院漏澤園附

卷三

食貨志

戶口

田賦

額徵蠲緩雜課附

倉儲

卷四

學校志

學宮

學制

學額學田附

書院

觀光集田附

卷五

武備志

兵制

武事

卷六

職官志上

文職

武職

卷七

職官志下

名宦

卷八

靖安縣志

卷之首

目錄

二

選舉志上

薦辟

進士

鄉舉

貢生附

卷九

選舉志下

仕籍附

援例儒錄行伍封贈蔭襲鄉飲前明恩職雜科

卷十

人物志上

名臣

宦業

理學

文苑

忠義

卷十一

人物志下

孝友 善士 諸善行附 隱逸 列女 貞烈節孝賢淑附

寓賢

卷十二

藝文志

表牋 奏疏 書啟 序文 傳畧

銘碣 贊

卷十三

藝文志

碑記 雜著 公牘

卷十四

靖安縣志

卷之首

目錄

三

藝文志

詩

卷十五

藝文志

賦

卷十六

雜志

仙釋 塋墓 祥異 軼事 後序

靖安縣志凡例

一縣志創自前明正統凡經四修國朝康熙癸酉高志乾隆辛未志及道光乙酉志戊申志亦經四修辛未志多沿本高志而增益之戊申志則附乙酉志而繼續之茲修取辛未乙酉戊申三志斟酌損益合而爲一總期事增於前文省於舊

一修志先嚴體例挈綱分目以類相從舊分十綱今易輿地爲地理典禮一門從刪其祀儀附建置仍存十綱壇廟各條之後增入武備稍爲變通悉遵省頒程式

一志以傳信務在覈實凡引據省府志皆從其最近者更

靖安縣志

卷之百

凡例

復參稽史乘博攷羣書凡有疑義俱悉心校勘并附識其本事源流以便省覽祇恐搜攬未週難免貽譏註漏一紀載之體尊貴皆名舊志於本省大府皆稱憲稱公并或逾格擡寫有同吏牘茲悉更正

一修志建縣沿革及職官選舉皆列世表本史法也因從省局條例悉改用志事歸畫一亦省葛籐

一戊申續志有舊志向所未備至今始增者如義倉考棚議叙重宴等類皆據事特書不復探原前志其有根柢前志者悉援前志起例

一義例有未盡詳者散見於各條小引中此仿之劉海峯

歙志意在申明本旨不以覩縷爲嫌

一今次纂修取乾隆辛未志及道光乙酉志爲底本而以戊申志附舊志之後新增者又附戊申志之後合成一書一切凡例稍爲損益有所因者悉仍舊貫有所更者悉奉新章

一地敘山水特詳蓋以山川定疆界而疆界益清亦本鄭漁仲遺說如水利爲民田所賴津梁亦利濟攸關舊列建置今改歸地理

一建置必原其始城垣解舍自當斷自南唐第書缺有間不免多所闕如壇廟序列祀典秩然育嬰堂養濟院漏

# 靖安縣志

## 卷之首

凡例

二

澤園均在建置之類故合爲一門

一食貨首重賦役均照全書四柱開列眉目爲之一清增賑卹以紀

國恩土宜物產以昭地利則改歸地理蓋奉上養民厥義惟均倉儲附後

一學校兩廡從祀悉照省頒 文廟位次臚列至所繪樂器各圖部頒自有定式可以從省惟陳設之規畧存其概

一儒學書院田租及觀光集田租生童卷價俱屬地方公產原應列入食貨門因取便檢閱卽各附於其後

一職官歷朝制度不同稱名各異俱當據實直書不容假借其列傳有宦蹟毫無實徵僅只一二贊詞者俱移於本人名下附注雖類課最考語聊以存參

一選舉皆依省頒格式爲序武甲科改列於諸貢之前貢亦分款敘列援例儒掾仍論時代不拘官階惟武功改爲行伍以著出身之實

一人物列傳均照省頒格式分類增減首載名宦終以烈女共成十目

一人物既分品類豈無兼備之才但從其最優者以歸之搜之載籍證以舊聞補闕拾遺頗多增益重在表章前

# 靖安縣志

## 卷之首

凡例

三

人非肯意存軒輊

一節孝前志載已 旌外其合例待 旌節婦一并附載

無非闡幽光至意茲仍前例備載惟分別都圖較便查

核

一藝文抉擇貴精必其有關於風土人情者方可登入取備眾體所收從寬今新登者特加矜慎文章公物識者諒之

一藝文不登現在之人原以愛憎之公必俟之身後乃定惟記事之作不在此例

一藝文凡碑記詞章等類向來採取有所關係者登載原



志代有傳人卽明太守况公著作悉經選錄茲就耳目  
新得實係有關治蹟不可磨滅之文補登數篇其近時  
諸公所作不能遍訪蒐羅只就本家將所存原稿送局  
者分別選登

一雜志有兵革一條後改爲武事今武畧既有專條以及  
祠廟改歸建置則雜志所列以仙釋塋墓祥異軼事滙  
成全書庶合體裁

靖安縣志

卷之首

凡例

四

靖安縣志

繪圖

靖安縣志

卷之首

繪圖

繪圖總說

古者畫井分疆九州各有地圖掌於職方氏故蕭何入關先收圖籍晉裴秀有禹貢地域圖序唐李吉甫有元和郡縣圖志志之與圖相爲維繫久矣高志圖凡五辛未志改而爲四俱稱舉大概猶是嘉陵粉本耳今弁縣境全圖於首以朱思本畫方之法界之使道里遠近不得以相淆次附郭山川則知谷抱溪環縣治之所由建也又次城垣尊守衛也衙署政令所出也學宮書院教化所自始也附及晉省水陸程途明統屬所繫示以遵循之準也殿之以石門山非侈禪林志名勝焉而已合






表所及其亦瞭如指掌粲若列眉矣一都折為二三者  
圖內不分注

靖安縣志

卷之首

繪圖

四





靖安縣志

卷之首

繪圖

五

環城皆山南河一溪自西來繞出其東白雲繡谷高峻  
 北障吳憇之西有僻徑以達於後洪山樵山兩均筦東  
 北之鎖鑰術家謂樵均中窾稍洩縣氣其或然歟曹仙  
 仁慈高低相亞西據上游登高金城庠密連綿東扼水  
 陸之衝狐尾聳於西南尖山獨當一面皆地脈之隆起  
 者也珠山坏樓立河中如砥柱然河流清淺一葦僅杭  
 今漸失故道南岸日形逼削築隄捍衛為未雨綢繆之  
 計烏可置為緩圖哉


靖安縣志

卷之首

繪圖

六

縣城圖



樟樹港

馬草湖

北港渡舊橋閣

新橋  
比門  
養濟院

上諭亭  
青龍臺  
關廟  
家洪

四聖祠  
務前街  
中街

縣堂  
縣監  
縣學  
華光祠  
訓導署  
遺愛祠  
南門  
南門亭  
南門

毛公書院  
遺址

火山

南壇

小城隍廟

懷功祠

蔡王廟  
哀若廟

城隍廟

東門

高臺山

山

感古廟



靖安縣志

卷之首

繪圖


七

縣城周五百丈高不逾二丈分四門入南門曰中街過  
 務前角直行出洪家巷口為北門由角迤西為百家鎮  
 過此即達西門務前角者明稅務局之前也自南內迤  
 東為縣署又東為丞署又東為學宮學宮門左即東門  
 矣東北隅為城隍廟廟東節孝祠西營署由營署並城  
 而北為天澤池雙溪書院在焉關廟暨

上諭亭又在其北隅本舊布政分司行署遺址今其地猶  
 稱司前也城東外為晉省通衢田園廬舍轉有卸落風  
 西南北三面闐闐閭閻鱗次櫛比城雖斗大固太平景  
 象哉



衙署圖




靖安縣志

卷之首

繪圖

八

縣治面舊南門前臨橫街大門內左有土地祠入儀門  
 正中為水木清華亭吏舍分翼兩廊東正北即典史署  
 西而南卻則獄也堂東西各為庫東庫之東常平倉西  
 庫之西儲備倉內堂西為榮蔭軒即客廳也廳西為書  
 室幕舍廳後為內宅宅後有百花亭亭東舊建關廟廟  
 東接常平倉倉東鄰丞尉後解丞署別為頭門其廳事  
 左右皆漕倉也令丞尉日坐堂皇而聽治毋視為傳舍  
 焉則民躋堂祝之矣




靖安縣志


卷之首

繪圖


學宮圖

節孝祠  
城隍廟





學宮左倚東門霽峯塔在其巽方得文明之象焉門額曰頌宮外繚以紅垣中殘壁沼架石梁為泮池池有源源泉東西為闕門所謂道德門也其戟門大成門兩廡丹墀露臺禮殿以次遞入俱如制名宦鄉賢兩祠在大成門左右殿後為明倫堂堂後為尊經閣堂西崇聖祠堂東土地祠又東忠義孝弟祠祠外南出便門左轉為教諭署署前翼然屏蔽者為奎閣閣前即頌宮門也訓導署在宮牆之西節孝祠又在宮牆外之東北隅宮牆周廣計十餘畝高約丈餘美輪美奐蓋道德之富矣




靖安縣志

卷之首

繪圖

七



書院背倚法藥寺門三楹西嚮臨天澤池門內中建文  
 昌宮左右各幾石為門由北而入為奎閣閣後為文昌  
 先代殿由南而入為講堂前五楹後七楹中翼兩廂後  
 堂額曰麗澤房舍十數間高明爽塏庖廡畢具隙地遍  
 植花圃巒翠瞰牕池光拂戶結廬人境如在山林諸生  
 以時旅進其間其有心遠地偏之樂乎

靖安縣志


卷之首

繪圖

丙

至省水陸程途圖

每方十里



德安縣境





靖安縣志

卷之首

繪圖

六





靖安縣志

卷之首

繪圖

七

江右名山佳廬而外厭原麻姑金精玉笥為最著百丈石門其次焉石門山者馬祖藏塔之所也在縣治北四十里兩崖對峙東澗自大橫溪來西澗合北河自泐潭來皆滙於其下曰藕潭循崖北入地忽開曠曰寶蓮坡行五里有小山蜿蜒內拱曰龍頸山又里許連峯排簇曰旌幢山下有石棧東通曰宴坐巖東過野鴨橋則山門屹然南嚮北望寶珠峯秀出羣山之上其麓即為塔院古稱寶峯寺以此今門榜曰法林考之山志莫詳所自寺內殿堂方丈經閣僧寮屋凡百十楹寺東別為一院覽其山川迴合形勢靈奇畧與生米鐵柱觀相似一

仙一佛托跡良非偶然他日有能補志茲山者當有會於斯圖也

靖安縣志

卷之首

繪圖

六

圖說

應繪之圖前志綦詳唯考棚義倉近年新創例宜補入  
附書院圖後并附水次倉圖其前圖所繪有今復改移  
者唯於建置類叙明不必重繪

靖安縣志


卷之首


繪圖

九

考棚圖

附義倉





右考棚圖中為翹秀堂南向前兩旁列遊廊立鐫碑焉其前  
 為尊經閣下為儀門上仍舊額存舊蹟也外左右為吏舍  
 又前為頭門顏曰校士館再外為屏牆東西樹閤門通出  
 入規制宏敞頗壯觀瞻屏外有橫路南即 學宮也翹秀  
 堂之西有別院曲屋數楹為靜遠軒西為雲路初階總門  
 東向內即號舍南北兩進為東西文場又西為中正文場  
 均設長條几座如院試棚式棚南鄰雙溪書院與法藥寺  
 則尊經閣之西偏也其東偏為闔邑義倉正廳五間南向  
 中祀 前邑侯張昨吾先生主位東西建廩倉十間又空  
 屋一架前為倉頭門與校士館門參差相並路南即明倫

堂

道光二十八年於書院內  
文昌先代殿後添建  
劉猛將軍廟


靖安縣志


卷之首

繪圖

廿

省城  
水次  
漕倉  
圖





靖安縣志

卷之首

繪圖

廿二

右水次漕倉圖中建樓房五間西向是為正廳兩廊各為五  
 廡前為頭門外為柵門柵外即河街也街外墁砌多坡直  
 抵江岸為升降登舟正道自頭門跨街至坡盡處約伍丈  
 捌尺有奇橫濶貳丈餘兩旁皆店屋頭門內至廳前階約  
 肆丈柒尺五寸橫濶陸丈陸尺兩旁皆墻左墻外即餘干  
 縣倉右墻外皆民居店屋樓房深貳丈陸尺餘濶肆丈伍  
 尺貳寸基儘左墻後簷外有餘地後墻外亦餘干倉也樓  
 後右角有後門外為住看倉人小屋五間北鄰南安會館  
 南鄰餘干倉東出即公街樓右又為七廡其地南北伍丈  
 捌尺叁寸東西肆丈柒尺叁寸後即南安會館前即民居

店屋右有耳門北出卽橫街左有門達正廳樓房右角五  
廡之後別有隙地蓋廂房一間南向旁門亦通七廡內供  
土地神上奉馬祖祈福佑焉地基四面有牆較前界址倍  
爲清晰




靖安縣志

卷之首

繪圖

二十四

觀光集圖



居民

移建節孝祠

賢尹祠


光觀

靖安縣志

卷之首

繪圖

二十一



塘埠義烈祠圖



靖安縣志

卷之首

繪圖

二十一

清安縣志

卷之首

繪圖

二十七

